



UNIVERSITÄTS-
BIBLIOTHEK
PADERBORN

Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta

Complectens Quæstiones, Qvæ Dispvatæ Dicvntvr, & Quæstiones
Quodlibetales, siue Placitorum eiusdem S. Thomæ

Thomas <von Aquin, Heiliger>

Venetiis, 1593

Vtrum illi qui nascuntur materialiter tantum de Adam peccatum originale
contrahant.

[urn:nbn:de:hbz:466:1-72780](https://nbn-resolving.org/urn:nbn:de:hbz:466:1-72780)

personalem: sed peccare potest prinere ad personā & ad naturam. Et ideo illi qui recipiunt naturā humanam ab Adam, dicuntur in Adam peccasse: nō autem dicuntur in Adam comedisse.

ARTICVLVS VII.

Vtrum illi qui nascuntur materialiter tantum de Adam, peccatum originale contrahant.

SEPTIMO queritur, utrum illi qui nascuntur materialiter tantum de Adā, peccatum originale contrahant. Et vñ q̄ sic. Anima enim inficitur peccato originali, propter infectionem carnis cui unitur: sed caro hoīs peccatori est infecta infectione peccati in adū, semē autē in virtute tantū: quia cum careat anima rōnali non est susceptiuum infectionis peccati. Magis ergo cōtrahit maculā originalis peccati homo, qui miraculose formaretur ex carne alicuius habētis peccatū originale, puta ex costa uel pede vel manu, quā si generetur ex semine.

¶ 2 Præt. Gene. 3. dicit quædam Glos. q̄ in lumbis Adā tota posteritas fuit corrupta: quia nō est separata prius in loco uiræ, sed postea in loco exiliū: sed si aliquis hō formaretur de corpore alterius hoīs, puta de manu uel pede, separaretur caro eius in loco sup̄ plūci. ergo cōtraheret corruptionē originalis p̄dī.

¶ 3 Præt. Peccatū originale est peccatū totius naturæ humanæ, ut supra dictū est: sed ille homo q̄ formaretur ex carne alterius hoīs pertineret ad humanā naturā. ergo cōtraheret peccatū originale.

¶ 4 Præt. In generatione hoīs & cuiuslibet animalis, materia corporis ministratur a femina: sed aīa inficitur p̄ infectionē peccati, ex hoc q̄ unitur materiæ corporali. ergo licet Adā nō peccasset, Eua peccante, proles ex utroque nata peccatum originale contraheret, non propter infectionem uirilium feminis: sed propter materiam tantum.

¶ 5 Præt. Mors. & corruptio quælibet. puenit ex necessitate materiæ: sed materia ministratur a matre. ergo si Eua fuisset facta mortalis & passibilis peccato, Adā nō peccante, filii qui nascerentur passibiles & mortales fuissent: sed poena non est sine culpa. ergo peccatum originale contraxissent.

¶ 6 Præt. Damasc. dicit in tertio libro, q̄ spiritus sanctus superuenit uirgini purgans ipsam. Non autē potest dicit q̄ illa purgatio fuerit superflua, quia cum natura creata nihil superfluum operetur, multo minus spiritus sanctus. Si ergo purgatione nō præcedente corpus Christi assumptum fuisset de uirgine, contraxisset nihilominus originale peccatum. Et sic uidetur quod hoc ipsum sufficiat ad contrahendum originale peccatum, quod aliquis materialiter ex Adam carnem accipiat.

SED CONTRA est, quod Aug. dicit. 10. super Gene. ad literam quod Christus non peccauit in Adā neque decimatus fuit in lumbis Abraham, quia non fuit ibi secundum feminalem rationem: sed solum secundum corpulentam substantiam.

RESPON. Dicendum, q̄ huius quæstionis veritas ex præmissis potest accipi. Dictum est enim supra, quod peccatum originale a primo parente deriuatur in posteros, in quantum posteri mouentur a primo parente per originem. Manifestum est autē, q̄ materia nō est mouere: sed moneri. unde qualiter cūque aliquis materialiter præcedit ex Adā, uel ex his qui ab Adā processerunt, nullo modo cōtrahit

ret originale peccatū, nisi seminaliter propagaretur ex eo: sicut nec est peccatum originale cōtraheret, si aliquis homo de nouo formaretur de terra. Non enim refert quantum ad cōditionē hoīs, de qua materia formetur: sed a quo agente formetur, quia ab agente recipit formam & dispositiones, ut dictum est. Materia uero non retinet priorem formam, aut dispositionem: sed nouam acquirit per generationem.

AD PRIMVM ergo dicendum, q̄ si aliquis homo formaretur ex digito, uel carne alterius hoīs, hoc non posset esse nisi carne illa corrupta, & recedente a sua dispositione: quia generatio vnus est corruptio alterius. unde infectio quæ præcessit in carne, non remaneret ad inficiendum animam.

AD SECUNDVM dicendum, q̄ Gl. illa nō est sic intelligēda, q̄ locus exilij sit causa contrahendi originale peccatum, quia si homo post peccatum in Paradiso terrestri remāssisset, transmississet originale peccatum in posteros: sed causa trahēdis originalis peccati, est corruptio naturæ humanæ in primo parente, locus autem exilij est concomitans ad corruptionem. unde in Glos. illa locus, ponitur quasi concomitans causam, & non quasi causā.

AD TERTIVM dicendum, quod peccatum originale non pertinet ad naturam humanam absolute: sed secundum quod deriuatur ab Adam per uiam feminalem, ut dictum est.

AD QUARTVM dicendum, q̄ filij qui nascerentur ex Adam ipso non peccante & Eua peccante, non contraherent: quia originale peccatum cōtrahitur per uirtutem mouentem ad naturam humanam, quæ est in femine maris secundum Philoso. Et ideo quāuis Eua primo peccauerit, significanter tamen Apostolus dicit, quod per unum hominem peccatum in mundum intrauit.

AD QUINTVM dicendum, q̄ aliquibus uisum est, q̄ illi qui nascerentur ex Adam non peccante, & Eua peccante, mortales & passibiles essent: propter hoc quod ista consequuntur materiam, quam ministrat mater, & tunc mortalitas & passibilitas non essent defectus pœnales, sed naturales. sed melius dicendum est, q̄ non essent passibiles neque mortales. Si enim Adam non peccasset, transfudisset iustitiam originalem in posteros, ad quam pertinet, quod non solum anima subdatur Deo, sed etiam corpus subdatur animæ, per quod excluditur passibilitas & mortalitas.

AD SEXTVM dicendum, q̄ ex hoc q̄ Christus fuit conceptus ex uirgine sine uirili semine, habuit q̄ nō contraheret originale peccatum: præcessit autem purgatio non tanquam ad hoc necessaria, ut sine originali peccato conciperetur, sed quia carnem quam uerbum Dei suscepit, omnis puritas decebat.

ARTICVLVS VIII.

Vtrum peccata proximorum parentum originaliter in posteros transeant.

OTAVO queritur, utrum peccata proximorum parentum originaliter in posteros transeant. Et vñ q̄ sic. Dauid enim ex legitimo matrimonio natus dicit, Ecce enim in iniquitatibus conceptus sum, & in peccatis concepit me mater mea. Ex quo vñ q̄ multa sunt originalia peccata vnus hoīs: sed hoc eē nō posset si peccata proximorum parentum originaliter non transirent in posteros, sed solum peccatum primi hoīs. ergo peccata proximorum parentum originaliter transeunt in posteros.

¶ 2 Præt. Sicut natura humana fuit in Adā, ita in singulis

Art. præc.

s. de gener. animalium c. 10.

D. 78.